

PHILIPPE
VI.

dit de Valois,
au Bois de Vincennes, le 8.
d'Août 1341.

(a) *Mandement pour augmenter le prix de l'Or.*

Huit jours d'Août l'an 341. de 15. Livres Tournois de creue au Marc d'Or; en faisant les Deniers d'Or fin à l'Angle, de trente-huit & un tiers de pois; en donnant au Marc d'Or six vint dix Livres Tournois.

PHILIPPE par la grace de Dieu Rois de France. Aus Generaus Maistres de nos Monnoies: Salut. Pour ce que par la volenté du peuple de nostre Royaume, toutes Monnoies d'Or ausqueles Nous avons osté tous cours par Cri & dessentes solempnels, ^{a plus grand.} sont prises & mises pour ^a greigneur priz que Nous y puissions mettre ne faire donner, aucun Billon d'Or n'est apportés à aucune de nos Monnoies, pour ouvrer; ainçois ^{b an cessé de travailler.} ^b chosme tout l'ouvrage d'Or de nos dites Monnoies, au grant domage de Nous & ^{c tromperie.} ^c decevance des Marchans frequentans nostre dit Royaume, Nous par Déliberacion de nostre Conseil; consideré que Marc d'Or fin n'est pas ^{d proportionné à la valeur de l'Argent fin.} ^d avalue d'Argent fin, & ^{e également.} ^e egalement, comme il deust; vous mandons & à chascun de vous, que tantost & sans delai, ces Lettres veues, vous faciez ouvrer en toutes nos Monnoies, nos Deniers d'Or fin à l'Angle, de trente-huit & un tiers de pois, au Marc de *Paris*, du Coing & du cours que les diz Angelos font adpresent, & voulons que en toutes nos Monnoies vous faciez donner à ceuls qui Or y apporteront pour ouvrer, ^{f 130. Livres.} ^f six vint dix Livres Tournois pour Marc d'Or fin, au Marc de *Paris*; & en tout autre Or, ^{g à proportion.} ^g à la valeur; & voulons que ainsi soit receu en compte par nos Amez & Feauls Gens de nos Comptes à *Paris*. ^{h au.} ^h Donné ^h à Bois de Vincennes, le huit. jour d'Aoust, l'an de grace mil trois cent quarante & un. Par le Roy. VISTREBET.

N O T E.

(a) Memorial *B. bis* de la Chambre des Comptes de Paris, folio 110. recto.

PHILIPPE
VI.

dit de Valois,
au Bois de Vincennes, le 8.
d'Août 1341.

(b) *Mandement pour augmenter le prix de l'Argent.*

8. jours d'Août 341. de 8. Souls Tournois de creue, en oultre & pardessus les 9. Livres 12. Souls Tournois que l'en y donnoit par avant.

PHILIPPE par la grace de Dieu Rois de France. Aus Generaus Maistres de nos Monnoies: Salut. Nous vous mandons, & à chascun de vous, que tantost & sans delai, ces Lettres veues, vous pour le ^{i multiplication.} ⁱ mouteplieiment de l'ouvrage de nos Monnoies, faites donner de creue en toutes nos Monnoies, en Argent-le-Roy, au Marc de *Paris*, à ceuls qui feront leur Loy, huit Souls Tournois, oultre & avec les neuf Livres douze Souls Tournois, que l'en y donne adpresent; & ce faites & accomplissiez si diligement & en tele maniere, que par vostre deffaut l'ouvrage de nos dites Monnoies n'en soit ^{k au.} ^k destourbez. ^k Donné ^k à Bois de Vincennes, le 8. jour d'Aoust, l'an de grace mil trois cent quarante & un. Par le Roy. VISTREBET.

N O T E.

(b) Memorial *B. bis* de la Chambre des Comptes de Paris, folio 110. verso.

PHILIPPE
VI.

dit de Valois,
à Paris, le
13. d'Octobre
1341.
^{l que l'on cessé d'y travailler.}

(c) *Mandement pour augmenter le prix de l'Argent.*

PHILIPPE par la grace de Dieu Rois de France. Aus Maistres de nos Monnoies: Salut. Pour ce que Nous avons entendu que nos Monnoies ^{l choment par deffaut de Billon,} ^l choment par deffaut de Billon, Nous vous mandons que tantost & en l'eure, ces Lettres veues,

N O T E.

(c) Memorial *B. bis* de la Chambre des Comptes de Paris, folio 111. recto.